

5778/8211

v.1



460  
28



石城遺稿

錫三訂

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY  
JUN 15 1945



寄胡庭軒

前于二月初奉寄一章既荷披閱未見德音  
帳昨見令兄芝願適予身遭多故簡慢不恭詢及  
一切欣知闔譚衍慶鼎祉如陵深為渴望予自六月  
初老妻稚子參差患病請醫理治未能見優延至七  
月中浣始有微效數月已來不計錢鈔艱難予亦辛  
苦過度母子纔安而予又遭床蓆不但服侍無人而  
且床頭金盡五中交戰莫可言宣竊思命何如斯少





而孤長于亂世未嘗偷片席之安作欺心之事何期  
年將六旬而尤遭此顛危殊難群矣然此可為知己  
道難不可為他人言也自分此番病症委命于天幸  
柰祖宗神靈賢甥遠庇延之匝月一豎頓歸八月初  
病愈始末店蒙敬東勸慰殷殷留店調理通州之事  
另委他人視此已未可無風波之險羈旅之愁誠為  
願也曾慤小兒之事未卜鈞意若何是否悉憑裁奪  
冀我一音已免惦念徐思閣下慨慷達人遇事定  
能為三省之思斷不使伊人失望倘得小子有成則  
老骨不朽駕如明春榮旋定使執鞭就道請早賜知

寄沈瑞初

仁兄大人閣下月前高雲卿反南接見之餘詢及在  
杭諸公多有散聚許善翁賦閒已久吳小邨現為趙  
廉訪所邀如閣下者有几人哉所謂雲中冠帶海外  
蛟龍自有不凡之氣弟拜下風企望餘光已非一日  
憶公在杭之時使一謁見如登荊州之階蒙公不棄



菲才殷勤教誨忽使茅塞頓開無如見公太遲別公  
太早二月返甯六月間家兄去世弟再至杭公已赴  
差遠出不遇而返抱恨奚如既盤家兄柩歸里安葬  
祖塋川資喪費動用百金括盡餘囊徒增浩嘆何期  
命運如斯以致顛連屢出此中委曲未易明言大概  
皆由人造之也弟自己邗反甯束手無策三年於今  
片席之謀久而未遂昨聞令尊大人天恩寵渥觀  
察潯江從此玉燭時調仁風廣佈蒼生將有望焉更  
兼閣下仁慈厚德孝篤純純定有一方善教弟將  
執鞭道左負笈車前望公退食之餘許其摠衣進隅  
幸甚

寄沈瑞初

仁兄大人閣下前游滬上承蒙維繫甚慳清談旬日  
勝讀十部泛事柰年近殘腊不能久住華堂臨行送  
別握手依依歸來匝月猶常晤之于夢寐則弟與吾



兄可謂神交矣然一上書而不回再上書而仍不回  
竟成黃鶴一去不復返之意念切吾兄大才偉器雖  
經營全不作市俗之態常道青萍誠寸鉄實在周違  
所長今觀吾兄大有為俗所移可見處富貴不能動  
其心矯然自立者誠為之大丈夫也弟頻年作嫁七  
件尚敷惟清平二字聊以寄慰故人吾兄目下蘭玉  
幾枝念前月舍親來信招弟赴伊任所大約明春

游粵會期不遠特此寸草

高雲卿

仁兄大人閣下自送別後宛如所失回憶相聚無多  
日相逢又幾時今囑此句能不令人感嘆前接廣陵  
信喜不自甚未曾復問起居心甚缺然昨于重九後  
二日忽落飛鴻留下吾兄瓜跡捧讀再三輾轉細默  
足見知己之言金石之語令人閱之能不低首下心



拜伏于地徐思行文一道以確為工亦可以信筆非  
議即如處世一切以和為貴以謙為佳責人一節重  
聽則明偏聽則暗今以吾兄之論明于大而不容于  
細獨知外面之繁華未識中懷之曲衷故李陵云人  
之相知貴相知心誠確言也然弟與兄相交已廿年  
矣只可謂知己之朋尤未稱知心之友見交契一道  
其實難矣古人稱管鮑為知心友廉蔣為刎頸交此

皆君子所行富貴不動心貧賤不移志此天下大丈  
夫子也今吾兄以一婦人之言漸生顛顛之心以十  
并之番跌遂起牆茨之語若人之知豈不笑然我也  
既兄能行之於筆弟不得不辨焉弟自己邗扶家兄  
柩歸里接令姊一同歸未謹將大事安葬祖塋囑其  
安心耐守苦度光陰決不負心傷義無命不逢辰賦  
閑許久無一知音者稍有餘囊慨行括盡衣履典質



一空實難支架束手無策告待無門伊等計飽私囊  
傍觀坐視甚至詬誶相加便生離異譖言百出枝節  
疊生皆云吾之累事漸多而伊等食用漸儉是伊邀  
同親友將公產分為三分每月所收利息足可食用  
有餘或走親或手彈自勸由自便弟欲止其是非奈  
心有餘而力不足諺云富貴則親戚畏懼貧賤則父  
母不子故屢諫不從祇得聽之而已吾兄偏于一見

顛倒是非殊不可解論吾兄明哲達人不當有此非  
議莫非人因地改情隨事遷想浙西山水清奇人物  
俊秀亦不致有此溷濁更不可解矣或因一時之悶  
行之於文不覺過矣然吾知己之交何足介意為恐  
別遇他人有所不便弟言魯鈍請熟思之即言彼此  
通融一節亦係禮尚往來前番吾兄至九江時弟亦  
曾稍效微勞未嘗見之于色皆以兄弟之情為念且



人生得失誰能無之早遲之間更難逆料所以兄有  
覆輒于前弟又繼之于後彼此參差竟成故事回憶  
心酸悽然淚下想吾兄既過招闕豈竟忘耶弟得有  
稍裕定當有以報焉自今已往願為君子之朋質諒  
之友勿作小人之態在俗之情則幸甚矣所委買元  
布料本當奉上奈年近殘腊金盡床頭欲圖一粒之  
餘竟不可得請就杭州自辦或者來年再寄叨在知

諒不見責我洪漢翁之信弟前已寄去一函至今未  
見回音又風聞已將調任未識確否請留意為禱

寄沈瑞初

仁兄大人閣下前八月間寄奉一函諒已早登台案  
未蒙惠覆心甚懸然想以公兄勿遑無暇及此奈弟  
久涸之魚思水已極故特修書屢瀆上達弟寒家子  
也歷劫紅羊幼而失學壯而無聞內無負竊之才外



無聊曲之舉所以奔走四方徒勞莫補守株梓里三  
載於今束手待斃情何能堪伏為閣下德行古道學  
究天人幸願開張聰聰不以菲薄庸愚臚列為後倘  
或鞭長可及敢效軀微弟非敢效毛遂之自薦柰迫  
于時勢無可釋困之方祇得頓面前未敢祈推念先  
兄同事之情憐弟倒懸莫解垂青逾外鼎力玉成俾  
得鷦鳥一枝以為棲身之地則感激盛情有同再造

即先兄没于九泉亦且死骨不朽肅此  
別未兩月不啻三秋讀蕪葭之詩能不動人之慨回  
憶聚首經旬鸛歌又唱孰知文旌北上未獲親臨帳  
帳五中雲龍奚逐近想起居佳暢鼎祉昌辰翹企鴻  
猷曷深燕頌僕年華虛擲百事無成自愧襪線之才  
只穿<sub>字</sub>林泉之下惟是蘇秦依舊何堪遠釋雅懷望祈  
加意垂青值為玉琢寸心感戴沒齒難忘肅此



未書至於再至於三如春風拂面秋月照人和而且  
謙明而且美足見志氣之宏偉心情之高曠現乎此  
矣札云責弟不復書多失信於人誠金石之言敢不  
聽焉惜乎吾兄之見左矣若論書信一道弟雖懶慢  
亦嘗執筆學書即去歲接得頭次信比時上復一章  
乃由某先生轉遞何以遲遲不投殊覺荒唐以極然  
想吾兄納交中諒不致有此吝友大概彼此差訛以  
致片言莫達此中委曲亦無惟其深責也至如通商  
一節何人無之必先察其境遇如何家計之輕重然  
後可似弟年將三十一事無成即有薄俸數千不滿  
一杯之水開門七件衆口傲傲入不敷出債臺已經  
屬上何計可以輕身何時可以解困幸喜施德者不  
望報且見弟行色蕭條不加逼迫故得強打精神以  
舒積年之憤投刺多門謀皆未遂命也如何吾兄以



才德行天下內無顧慮外多豪交雖不餘橐餘囊亦可豐盈儉缺在之望餘德者豈止一人者哉今何乃以微末之資行文以千里之外殊覺吝矣自今已往願吾兄當志其大莫以區區為念俟弟手頓稍裕自當奉趙彼此情長光陰無限祈思之諒之為感

寄周錦齋

連日不晤缺然昨詢令少君始知兄安硯瓜埠所謂青萍結緣定作薛卞之門矣深慰深羨弟經營六六苦困愁城令兄踴門一汲使弟腸折九迴未識餘光驥尾可使一瞻仰也倘有機遇祈圖之為感

覆寄王子卿

接局友寄來信展誦再三迴腸九折深感句句金石字字文章足見君子學道則愛人無微不至既承嚴詞下問敢不將歷來境遇為知己道也弟自己卯年



揖別後駒光如駛不覺十有三年矣兄鵬程得路大  
展英才弟頻年荏苒反不如前自兵燹後回省尤幸  
破屋數椽權為脫足不期家務紛繁人心不一又復  
轉售他姓於次年仍歸鄉里勉搭茅屋數間聊蔽風  
雨不幸是年夏間拙荆不世草草治棺厝於山側乳  
子相繼滿謂此番跌落可望生機何期又於丁丑年  
四弟柳臣中途長遊家伯母因子傷殘又於己卯冬  
遽爾仙遊首尾數年連遭多故回憶心酸何堪囑筆  
自此家漸蕭條田園荒蕪每年即有薄租亦不敷交  
國課所有稍可之田早被某兄變質如吾兄教為理  
論柰彼六六無依飢乎為餓餒矣如是者情何以堪  
所謂人投大處鳥拒高林吾兄雖隔千里尤如日月  
之光似彼星星之火何足論哉如大家兄年來支持  
家務頗費躊躇當此逆運常中有力莫使耳棘圍殲



證有志難成即弟數年膏火皆賴家兄主持早年且如安

葬一層亦與啗酌兩下籌畫再三實係無門可告即

家兄早年到蘓州原與某兄談及此事彼乃虛情欸

欸並未見實濟故而欲行又止前年家兄至蘇祭掃

滿欲與彼商貸不料業已不世聞此情形殊增浩嘆

一腔熱血盡付東流某某未省曾晤三舍弟欣悉亦

談及此事約定次年間湊資搬墓何意二年店事大

敗虧空多端且人不知去向迄今聞又作罷論此

皆人生得失無限窮通所以延至於今仍復依然故

我徐思先父在日忠厚一生素所人望而後進者不

能想後承先尤使朽骨飄寒異地能不痛哉此乃天

之所以不容神之所以共怒亦無怪吾兄之深責也

弟先之痰疾魔身心情昏暗今者賴祖父之靈賤疾

已愈諺云不知者不作罪今既稍解人事豈可為天



下之罪人是以急急從事奈心力兩殊未能如願實  
不得已顛顏屢瀆上告聰聽伏維閣下慷慨達人素  
行古道遇人一急便即囊傾而世之口碑載道者非  
一日矣且於外人常中尚有李君一諾况吾骨肉至  
親哉然兄為弟深慮恐付無有之鄉不得功歸實濟  
此誠確切之訓聽敢不聽焉祈為轉達某兄及表妹  
務希鼎力玉成俾得先父母朽骨妥安皆出于大君  
子之厚賜也所謂生者啣環死者結草將來名垂帛  
竹勲積龍圖此弟所以領之於今日望之於他年也  
吾兄尤云同弟親辦此事方為確當然承表妹盛恩  
大義感戴無涯想女子從夫何堪自主况弟何德何  
能又何敢傷財勞力既蒙慷慨未助弟即邀同三舍  
弟告假未甯泥謝深恩親聆教益然後至蘇盤桓歸  
里合墓祖塋則生者啣環歿者結草帛短情長餘言



縷縷

寄余伯陽

二月間握手言歡笑談一室恍若平生之管鮑領略  
春風時雨尤如立雪之梅時然蒙閣下不棄庸愚  
賜以顏色又且褒之過當許以文章何啻朽骨枯腸  
敷之以肉者哉僕每一思及切切于心本擬越日盤  
桓作尋春之佳會奈商人苦况嫁線牢纏奔南逐北  
忽忽經旬及足喘稍安聞麟趾已三造鄙廬趨門往  
拜熟知已公車北上矣使僕抱空而反恨何如之所  
謂熱血一腔都付之秦淮流水徐思此中慷慨大由  
命造之也比來公餘閒暇定多佳勝僕愁城坐困終  
為七件之勞苦海飄萍自嘆一身之繫魚書縷縷未  
足開懷惟是知己情殷務祈留心吹薦則今日之餘  
生他年之衣食未使非閣下之所賜也



賀太岳母八十壽

久慕慈顏未親色笑屢欲修稟請安自愧稽生懶  
漫筆拙無文每一思之覺增漢背昨展府報欣悉  
太岳母太安人八秩良辰千秋華誕吉日際茲桃  
熟擬山共赴瑤池之會正廟荷花生日盈集蓬島之  
賓翹企三多奚如九頌姪稱觴有願釋困無方遠書  
益壽之詞并錄延年之篆今因吉便謹獻番餅一枚  
不忝微儀慶祝萱堂百歲虔修丹稟敬請春安叩

賀千秋

致吳翰香

四兄大人閣下別來三載恍若經旬何光陰之迅速  
人事之變遷俱不知不覺而過矣每憶京江笑聚或  
登高以舒嘯或促膝而清談無時不共何一以別數  
年竟無片紙隻字寒暄殊覺甚矣想皆因事顛覆無



心與管城子閑談或者有新交而忘故舊耶弟歷線  
如故常在何尉翁詢問消息道閣下販書吳興此雖  
生意經營實係聖賢事業可羨便中望惠數行稍慰  
離人積悃耳

姪寄叔

叔父大人尊前敬稟者姪自丁丑七月拜覲慈顏祭  
掃墳墓後數日即離膝下叔姪依依不捨灑淚登程

一路觀景淒涼午夜徐思淚落視此孤雁失行骨肉  
流離道路萍飄梗斷明月幾時重圓兩地私情定同  
一轍斯時尤可解者滿謂南返之日仍可笑聚團團  
再叙天倫之樂故得強打精神異圖上進何期命不  
逢辰事多乖舛所謀皆差訛未遂所學皆織錦難成  
感感天涯無一知音者迫不得已而早作歸再尋生  
計本欲便往家中柰川資不敷遂致一腔熱血盡付



東流聊呈安稟一章繫孤鴻之足呈吾叔之前未識  
可能投到否吾叔達人諒能原宥也姪由東海返南  
幸賴一路平甯至某年五月間始抵金陵見垣牆依  
舊閤室無故深慰離懷纔得足喘稍安即欲修書上  
稟何意風波又起枝節重生二哥已於六月間在杭  
病故姪再至杭扶襯春回來忽忽之間恍然又經一  
載載奔南逐北毫無定踪屢欲陳其曲衷又無可託  
之人于今五載魚雁宣通不孝之名實難辭咎伏維  
大人玉体康健起居安泰為祝為慰姪年來顛沛無  
一從長惟幸身体如恆又于丁卯十月二十日生一  
子又于辛巳年生一子長曰双福次曰双壽兩子尚  
肥壯好頑性格亦頗聰明非敢自誇其子實欲以媚  
吾叔待一時之歡慰數年之望耳姪前歲回來仍舊  
幸數年支拙可敷不致凍餒祈釋遠懷今因友便虔



肅丹稟敬請 大安

寄都督黃

大都督大人閣下睽隔英姿恆欽佛度恭維履端衍  
慶鼎祉延厘勛績龍圖正照北辰之寵渥名垂帛竹  
深感大樹之濃陰翹企鴻猷允孚燕頤弟頻年荏苒  
愧乏善陳惟幸賤軀猶適祇堪上慰錦懷耳前蒙盤  
殮之贈感不能忘後有面晤再當泥謝茲有懇者今

寄上令坦某公子候函一封祈付便帶至欽州為感  
寄沈縈翁

仁兄大人閣下前以尺素上溷清聽屈指早經雅鑒  
矣數月未見愈復心甚懸然想以公兄匆遑無暇及  
此然弟望梅甚急思水情殷典質之物既空催租之  
吏又至現此難艱景况不得已而為知己道耳原弟  
之款不過威儀之數得閣下一朝之享足矣仍祈假



我數番以濟燃眉如有風便即掃擲下弟引頸已望  
矣

沈縈翁

仁兄大人閣下前以尺重寫矣可發一大笑  
重  
昨听驪歌知文旆已上道矣本欲稍盡離懷奈弟  
寄人籬下煎之閣下行色匆匆未克如願帳帳比未  
公兄閒暇定多佳暢為頌近風聞移硯通江集未識

確否若果有斯舉此亦貴居停試其難耳後必有情  
祈耐心處之為禱弟虛擲年華無所短長之效惟刻  
下更有難者一家數口病者有三處此艱難苦况又  
遇顛連不但虛耗銀錢而且人多受累涸轍之情聊  
為知己者道耳所有去歲尊賬小款本屬區區奈迫  
于時勢不得已為閣下諒之

與高雲卿



卅年交好四載相思每憶握手言歡之樂無不眷眷  
於懷也去歲接芳訊知脫絳黃君硯安台郡彼此相  
投各稱其美如青蓮遇荊州高其聲價所謂士為知  
己者用吾兄得其所矣欽羨之至弟守株已久并為  
賞音徐思行藝不成皆關乎閱歷之不到也自今奮  
志以圖異日非敢自謂其才不邁聊壯其膽希勿哂  
家鄉景况反弗如前舍下均託蔭庇

致王大嫂

大嫂粧次久仰閩型傾心拜首屢聞叔祖母道及閩  
府康寧暨老婆婆玉体安康深慰私念僕棲身異地  
嫁線依人惟常思先靈墳墓久寄貴鄉想被風雨飄  
零不堪損壞每一念之無不痛心瘡首汗發於背深  
愧為人子之道也屢欲告假前來又以經手事未了  
不得分身所以年復一年延至二十餘年致使先靈



為有子之孤，無一人掃祭罪莫矣。雖頓身萬死，不足以贖其辜也。然可以解者，因特有府上也。年年代為照管，不時掃視，感激盛情，存歿啣環。今春二月間，欲邀請叔祖一同造府，請安修理先靈墳墓，不意遭家多故，二小子患痞症，賤体失調，因此差訛，行旌中阻。前月叔祖母赴丹陽，又未知照及動身後，方纔曉得此舉又不果行，抱恨之情，寸心若熾。決計九月間買

棹前來，以理此事故。先走筆奉申請，為留意是幸。是禱。

答汪直卿

昨蒙直頤，使我清心藉片刻之韶光，談十年之離緒。無如更殘漏永，刻燭相催，分袂依依，中心縷縷。歸來夜不能寐，徐思閣下既承委命，敢不效犬馬之微勞。柰前途大工告竣，竟成各月之談，不能報提於前報。



顏無地故先達教行惟閣下別作計較

再上書與黃祖均

兩次上書未蒙見復甚遑遑然如秀才望榜豈以弟不可教耶或公兄勿遑無暇及此若以弟不可教何得寄以心腹委之於重任此等情由決無足見若論公務紛繁則一日仍有三時之閑何以飛鴻不落雙鯉不至此中委曲實難解矣大概人處富貴之境而

妄貧賤之交想吾兄亦如是耶所以誹謗之論填胸

盈耳皆謂吾兄行詐弟本不疑柰言相勸者一日不

下數十人雖信曾子之賢猶有踰踏之舉弟所以徘徊

不進者專俟羽言以下行止弟仍有不更之志前

書一年之需須在念元之譜弟本無能何敢較其多

寡柰眾口嗷嗷將何待哺此中苦况早注吾兄洞鑒

矣如復信望寄英餅式枚非効虞公之愚作無厭之



請實因住宅攤塌古人四壁之稱竟成三面而立不  
得已免力成之所以大哥西江之贈盡歸鳥之有鄉  
可嘆可嘆

胡玉亭

老師台大人閣下昨日蒙君送別今午已抵寒扉一  
瞬之間相隔千里回憶在署之時承蒙雅愛教誨彌  
殷如頃時雨春風以捐除十餘年之痼積滿擬久住

華堂暢談心跡奈秋寒透骨苦我容顏遂使魑魅之  
魔綿纏左右不得已買棹登舟幸到舍寒疾稍愈惟  
中氣未舒雖飲食如常而尤淡然無味大概乃蔬食  
之人不當高<sup>享</sup>佳品所以味陽不醒者亦無怪也祈勿  
哂為幸前委辦內費一事已向陳情奈前途言詞迫  
切且謂有鯨吞之意嗚呼再三必須大衍之數方可  
有成視此情形實難宛轉但前言有在亦不能過於



相強耳仍望閣下推念下情速將此款覓妥擲下以  
免經手為難耳幸甚。蒙遣陳价一路伏侍甚勤給  
已番餅式枚聊表寸意

又

昨蒙惠愛感激五中勞書斗方三紙仔細玩之有天  
然神畫足見老夫子行文之妙而脫手之超耶姪空  
幅久待立應裝潢不圖為希老之琛藏特留作文章

之冠冕也弟屢次煩瀆慚願無地本欲恭詣台前  
請安泥謝惟恐大駕公出是以未敢冒昧故先字牒  
奉達如能撥一時之冗叙片刻之歡未識肯辱車馬  
為盼

又

老師名閣下昨奉到丹片捧讀之下殊深詫異後面  
晤某兄談及一切并讀閣下末札迄今公事尚未收



到等語弟聞之下汗背無地為謀不忠之責實難辭  
矣江某邀同啟友某翁論及此事弟以無處投送等  
因致有此誤然既經弟處承辦何得又歸某翁送批  
此實令人不解亦無怪閣下之深責也但此事却有  
故耳閣下台銜原係某老伯承辦有年後因某老伯  
棄世無人經手弟因出其門下彼未日之事亦由弟  
手既沒世後儀秦案券皆歸弟處因物議故願將案

讓與某翁斯時談明案雖屬陳州縣仍歸弟處所以  
台銜中之人并未談及前經閣下來信并蒙賜參桂  
佳琛由趙兄送遞邵府上彼時邵某病篤談此及事  
歸于何人經辦彼即薦之弟處數年未並無異說至  
八月間接見凌兄送到閣下大札并准賜番餅愧領  
之餘深感謝：即將尊件办就適有清江之行故囑  
舍弟代呈不意其中有此許多轉折陳某翁以為順



業上理應承辦故將此批按住俟弟回省面論不期  
弟到通一病月餘及至扶病歸來三小子天世如此  
顛連弟實無意人事昨日陳趙二公到舍論及此事  
見弟如此景况兩下商斟情將台銜交于弟處自今  
已後皆歸弟處效勞至于論及案券等語弟即深責  
舍弟年幼無知得文孟浪且彼此皆屬全事視此云  
之有關係面然既已往不咎他日再為效勞今將尊  
批及台銜查明寄呈電閱為幸今後如有羽言望至  
狀元閣狀元境毛宅確交可勿勞某翁處轉遞是為  
兩便

王子成

子成八叔大人尊前睽隔 慈顏恍然已五年矣嘆  
人生駒光易過深慚只自奔波別離愁緒如絲裏筆  
墨難為盡說盼不到故筠園抬頭惟自見青天銀河



相隔處萬里斷寒烟心神馳越魂夢之間惟日祝玉  
鼎如山嶽精神似馬龍前玉滿階庭永慶壽齊松無  
恨心旌奚如九頌僕頻年荏苒愧善莫陳知已關情  
敢不將歷來境遇為長者陳之僕自戊寅春由東海  
返南跋踣艱難筆墨莫出至五月間始抵金陵見牆  
垣如故閭宅皆安深慰離人之望喘息稍安數月又  
作孤帆本欲就食錢塘不意別生枝節所以邂逅之

遭之人望外中途同舟有吳公者人物風雅姿格英  
明有超脫不凡之姿乃問其何處即浙江人也居司  
事之職現亦太興釐捐畧談數語便有同聲相應之  
深同氣相求之美故即邀司事一席僕本固陋何敢  
當之奈久涸之魚祇得權為脫足僕本有意於詩書  
怎仰承鴻慈之厚望奈家徒四壁炊爨為艱迫不得  
已而捨此他圖有負盛情奈何回憶造府之時蒙老



叔台寒我以衣飢我以食講之以詩書論之以禮樂  
相親數月如坐春風之裡笑談片刻勝讀十部之書  
足見老叔台雖一飲一食有誨人不倦之裡笑意自  
恨薄福淺不得久住華堂永聆教益回憶之間寸心  
若醉嗟乎相違萬里分隔雲泥人絕路途鳥飛不至  
嗚乎噫嘻臨楮流滴海角天涯一東一西

王瀚卿

違別教範歷夏而秋正擬函楫致候適蒙大札  
先頒備荷存注承摯愛之殷拳感雲情於靡既寸衷  
篆結尺素難宣敬維一切從心百凡如意為頌為慰  
某粟鹿如恆薪勞似舊經手各事尚稱平安但日市  
百干左右無如利微用火不免有虧折之虞所幸者  
居停推心置腹以國士相待某感恩知己勉竭愚  
誠以國士報之惟才短識淺終恐有負知己耳但期



老井台早日言旋指示一切俾有遵循是所切禱者  
也風寒料峭珍重為佳持此寸草藉請 升安

孫貽燕索款

仁兄大人閣下前月曾上書拜問起居並求賜還宿  
款以濟憊眉之苦滿望青蚨附瑤章而飛復計日可  
到不圖迄今音耗杳然豈前函為洪喬所誤耶抑已  
收到將款示復而已洋信未得安便礙難寄出耶將

知其情窘迫而弟不知何處獲罪於君君因坐視而  
不加憫以暫相為戲歟愚而不敏未達其咎乞速即  
明以告我俾釋弟之疑抱着其情不急何得如此相  
追如再不蒙賜覆是所謂洪喬所祈誤與未得安便  
等語俱顯屬空言而相戲一說實係真情夫戲也暫  
焉可也弗可常也着仍付之不答而又戲也則恐因  
戲成真轉好為怒必致彼此參差矣哈：肅此佈達



鵠候德音藉請 大安

復彭蠡濱

仁兄大人閱下不晤光景若隔三秋企戀之懷無時  
或遙釋瞻雲漢條墮瑤箋謹奉教言並洋跋五元奈  
幅十紙自應作速辦成一併奉上但惠翁近日疎懶  
異常求畫者雖惠潤資非追索數十次不能完卷莫  
可如何惟奉閣下之命敢不竭力摧趕特不能速為

應命耳弟付業已繕成今先行奉上惠翁處已經追  
索再四尚未畫成如急需應用或改倩他人亦無不  
可必須渠繪殆難刻期此中委曲用特臚陳非實弟  
之不力也今誠假館於東城隅毛桃苦李約七八枚  
終日枯守如鍼氈充一誠之修脯仰不足以事老母  
俯不足以畜妻子人生三十以後丈夫立業之秋乃  
蹭蹬若是奈何惟有仰天太息而已讀書萬卷不



如積產千金古人憤激之譚良有以也此種哀曲惟君可以共彈亦惟君才識此耳語言離次希勿示人  
鬼子知我故敢相告薰風珍重崇德勉旃握管黯然  
神馳異地諸希朗照餘不備宣

阮臺

阮臺青覽別久思深情同兩地昨接手翰壹是備聆  
就論 侍社履綏 百凡如意至為忻忭承囑一節

以 賢姪之才契辦釐局事誠屬綽有餘惟愚自  
客歲奉委釐差之時 上台及至好推薦友人数逾  
半百類皆情不可却勢不可回之人雖經極力設法  
婉轉而延請到局者尚有二十五人之多局中向章  
只准開支十八人不但人浮於額須賠局用亦且無  
事地可派現在閑任局中候事者尤有三人委實無從  
位置三月間某翁旋里向渠細詢即知予之非虛語



矣而况愚准補恭興之部文早已到省交部局差遲  
早不定愚亦自己毫無把握屢承 諄囑未能代謀  
實深歎仄然為賢姪計捨長久之經營而圖暫時之  
局務一經賦閒轉失舊業亦不合算特將此間實在  
情形縷 奉告以免 賢姪空勞往返尚希 原諒  
為幸敬屬長幼均安足紓遠念手此奉復即候 時  
綏不宣

賢姪孫青及正初返里諸荷 雅懷照拂 不忘  
別來 起居勝常定如遠念茲奉懇者擬擇本月某  
日為四弟發引暫停桑園廳屋再行擇地此時某孫  
未回某 兩孫皆不能孫年照料如某孫年幼所有  
一切應行事宜及省中購買各物種勞清神代為辦  
理鄙人近况艱窘異常已函囑小孫等喪其稱家之  
有無喪以哀為主與其禮有餘而哀不足不若而哀



不有餘此次發引之費擬以四百千為斷不可逾限  
我將來亦以此為限在鄉下亦大可觀矣請與某翁  
商行某：約月半前後亦將回來事繁難以遙計我  
之情狀親友皆知諒不以省嗇責也我專此拜託不  
盡欲言順詢近佳伏維 亮照  
賢再怪如晤前接來函久思作覆乃因天氣炎熱動  
筆汗流是以遲耽時日濶疏之咎不得辭也適維

履祉綏和 禔躬秩吉為頌予供差袁浦淑善毫無  
惟賤軀粗安堪以告慰 綺注前詢 某翁處之事  
曾逐細告之至於功名一節看該處情形勢有為難  
之意現于六月間動身赴板浦公幹大約總在七月  
方可回來知要素圖謀此事只得二分之一數予却不  
敢必也或者人有見面之情亦難預料俗云謀事在  
人成事在天耳此復即頌 秋祺



姻世兄大人閣下敬啟者叨聯 葭誼未挹 芝暉  
舊腊接得某日由清江寄來 手函展誦臨風驚悉  
尊大人錦堂棄養箕尾歸真得信之餘曷勝愴悼遙  
維姻世兄大人純孝性成至情天篤忽然慘遭大  
故自必逾恒毀瘠抱痛難言然念 尊大人當身則  
渥荷 宸楓繞 膝則芳聯双桂而且 双熊出冶  
師山之政績猶听謳歌更欣 五馬榮遷 帝室之

對揚特膺 寵眷雖一旦菩提證果未享遐齡而千  
秋簡冊流芳應無遺憾尚冀節哀順變克當以慰  
先靈是所切禱侍生平昌辰宰已歷五年謗陋滋慙  
鮮陳一善所幸境中安堵署內清平差堪遠告身前  
當 靈耗傳來當即肅具一函并晚聯一副交某處  
託信局轉輾帶呈詎據稱無處投遞竟將原封打回  
現在 寶眷住居何方景况奚若祈 示為要茲仍



送上輓聯一副仰乞  
鑒登帛肅奉唁即請  
諸維不備 禮安



